



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pro cunctorum Christi fidelium vitæ castigatione, per septem extrema
verba Christi in cruce, precatio.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

extendo, & cum illo vias peccantium lugeo, & in illum omnium hominum, & singulariter mihi commissorum crimina suscipio, & in abyssum misericordiae tuae projicio: obsecrans ut illis & mihi verae contritionis & emendationis gratiam, largiri digneris. O pijsime Deus, confido immensae bonitati tuae, quod si ego solus omnium hominum peccata commissem, & me cum illis perfecto ad te corde convertere & emendare vellem, mox ab omnibus peccatis me liberares, & in ardentissimi amoris tui igne, velut modicam stuppam illa omnia concremares.

Hinc ad ianuam infinitae misericordiae tuae veniens pulso, & obsecro, pro gravissima inhonoratione, & infinitis iniurijs, offensis & blasphemijs, quae tuae dignissimae maiestati, à me & alijs creaturis tuis viuis & defunctis irrogatae sunt, & adhuc absque cessatione multum nimis irrogantur, ut propitiatus miserearis super omnibus malis istis, & respicias oculis clementiae tuae, quam graui me sarcina miser oppressi haec in me suscipiens, qui tam infelix & vitiosus sum in meipso. Verum quoniam te tam fidelem & clementem patrem in meipso expertus sum, ut sitias etiam omnium hominum salutem: hinc te humiliter accedens rogare audeo, ut si miser ego, proprijsque vitijs nimis onustus, tam mea, quam mihi specialiter commissorum, & omnium hominum peccata cum sanguine cordis mei emendare possim, etiam si deberem milies mori omni hora, & omnium damnatorum penas cum gratia tua sustinere, quo illos tibi adducere, ut tu in me, & in illis, quiescere valeres (ad quod nos omnes creasti) ad hoc me totum tibi offero, & hilariter resigno.

Sed quoniam nihil sumus, nihil habemus, neque valeamus absque te, obsecro te clementissime Domine Deus noster, o summe sacerdos, qui temetipsum obtulisti Deo Patri pro nobis in odorem suavitatis, ut omnium nostrum miserearis, tua ardentissima charitate, vita, passione, & sanguine preciosissimo, vniuersa nostra delicta deleas, neglecta nimis multa suppleas, impedimenta nos à tui accessu remorantia tollas, & nobis ut peccata nostra clara cognitione, amara contritione, vera confessione & integra satisfactione emendare, & tibi de caetero toto corde reconciliari, obedire, placere valeamus, concedas.

O Verbum aeternum propter nos incarnatum & crucifixum, parce quaeso ignosce & succurre plebi tuae. Praeueni, tange & conuerte corda nostra, quamuis excecata & indurata, ut totis viribus quaeramus te, & sapiamus quae tua sunt: sicque vniuersimodum resistamus omnibus hostibus honoris tui & salutis nostrae, viuamusque de caetero iuxta tuam voluntatem bonam, beneplacentem & perfectam, ut perfecta tibi charitate vniamur & adhaereamus, & nunquam ammodo à te separemur, Amen.

Pro cunctorum Christi fidelium vita castigatione per septem extrema verba Christi in cruce, Precatio.

O Dulcissime Domine Iesu Christe, obsecro te per amorem quo septem verba vltima in Cruce pro nostra salute dixisti, miserere miseris omnibus viuis & defunctis & da nobis veniam & gratiam plenariam.

1) O pijsime Iesu, qui dixisti: *Pater, ignosce illis quia nesciunt quid faciunt*, Ignosce nobis & omnibus nos laedentibus, odientibus & persequentibus: Similiter quos nos laesimus vnquam aut offendimus.

2) Et qui dixisti: *Hodie mecum eris in paradiso*. Redde nobis & omnibus fautoribus, amicis & benefactoribus nostris propter nomen sanctum tuum vitam aeternam.

3) Et qui dixisti. *Mulier ecce filius tuus*. Miserere nobis & oranibus pariter, praeteritis, fratribus

fratribus, commissis & coniunctis nostris carnalibus & spiritualibus. Et commenda nos omnes fidei curæ pijsimæ matris tuæ in filios, nunc & in vltima angustia nostra.

Et qui dixisti: *Deus meus, Deus meus, vt quid me dereliquisti?* Misere omnibus tentatis, afflictis, miseris, oppressis & desolatis hominibus, & libera nos omnes à malis.

Et qui dixisti: *Sitio* Misere nobis & omnibus peccatoribus, errabundis, excruciat, induratis, & desperatis hominibus, quorum salutem tantopere sitiebas in cruce, & conuer te nos omnes perfectè ad te.

Et qui dixisti: *Consummatum est.* Confirma nos & omnes pios in bono quod habent & fac illos in tua gratia continè proficere & perseverare, & supple omnia bona quæ hæcenus negleximus.

Et qui dixisti: *Pater in manus tuas commendo spiritum meum.* Præueni tua gratia omnes nascituros. Præserua à lapsu iuuenes. Da lapsis resipiscientiam & constantiã, senibus & morientibus contritionem & veniam, defunctisq; requiem & pacè perpetuam: propter amorem qui te vitam viuentium mori coegit pro omnibus istis redimendis, suscipe animas nostras egredientes in manus tuas, & merito tuo illis succurrente protege illas ab insultibus omnium hostium suorum, & salua illas secundùm infinitam misericordiam tuam Amen.

Pro cunctorum Christi fidelium conuersione & vitæ in melius castigatione, quam efficacissima, Precatio.

IN spiritu humilitatis & in animo contrito, benignissime Domine IESV CHRISTE, coram abyfso bonitatis tuæ ego miser peccator prosterno me cum abyfso miseræ meæ, me profunde contemnens & quasi ad nihilans me ipsum, & omnia opera mea existimans quasi pannum menstruatæ: Sed in tua misericordia o Domine respirans (qui ad eò bonus es, vt nullum quantumuis enormem peccatorem, quoties ad te redire voluerit repellas) venio ad te cum vniuersis meis proprijs, & mihi commissorum, omniumq; hominum viuorum & defunctorum peccatis, criminibus, abominationibus, malitijs, nequitijs, delictis & negligentijs, quibus tuam bonitatem grauissime & multipliciter supra numerum arenæ maris, hæc per superbiam, inuidiam, iram, acediam, auaritiam, gulam, luxuriam, & alia vitia, cogitatione, loquutione, opere & omissione, nimis offendimus, inhonorauimus & blasphemauimus: obsecrans te per infinitam charitatem tuam, qua nostram humanam naturam, & causam nimis malam assumere dignatus es, & per merita precesq; gloriosæ semper Virginis Mariæ, & omnium sanctorum tuorum, vt nos omnes & singulos respicere digneris oculis misericordiæ tuæ, quibus respexisti Petrum in atrio, Mariam Magdalænam, in conuiuio, & latronem in crucis patibulo: & da nobis lucidam peccatorum nostrorum cognitionem, feruentem contritionem, clarã confessionem, perfectam satisfactionem & vitæ emendationem. Ad quod obtinendum, da mihi licet proprijs peccatis nimium prægrauato omnia illorum peccata ex charitate libenter in me suscipere, toto corde cõtinuè deplorare, & sanguineis lachrymis, si possibile est abluerè, & si necesse fuerit sanguinem quoque meum pro illorũ expiatione effundere.

At quoniam omnis nostra contritio & pœnitentia, sitte quicquid facere possimus,